

PERTOLONGAN AMERIKA KEPADA ORANG-ORANG MUSLIMIN

Dalam masa yang sebegitu suntuk untuk menunaikan fardhu haji bagi orang Lebanon dan pengangkutan-pengangkutan tidak ada maka kerajaan Amerika telah memberi bantuannya dengan menghantarkan mereka itu dengan kapal terbang-kapal terbang khasnya supaya orang-orang itu dapat menyempurnakan fardhu haji mereka.

Pertolongan ini telah disambut oleh dunia Islam dengan ucapan terima kasih sama ada bagi pihak yang menyukai Amerika ataupun tidak. Ini ialah suatu contoh yang baik bagi menunjukkan kerjasama yang rapat di antara orang-orang Amerika dengan dunia Islam. Bagi Malaya tentulah yang demikian disambut dengan gemar dan terima kasih. Lebih-lebih lagi kiranya kerajaan Amerika dapat pula membantu kelemahan-kelemahan orang-orang Islam di sini dalam hal menyelenggarakan sekolah-sekolah agama dan kolej mereka dan lain-lainnya yang dihajati oleh mereka. Gembira menunjukkan orang-orang haji sedang naik ke kapal terbang Amerika yang telah mengangkut mereka ke Tanah Suci itu.

